

Lasa eta Zabalen



gorpuzkinen aurkikuntza

Gonzalezek «zentzugabekotzat» jo du Barrionuevoren dimisioa eskatzea


EAJk ez du erantzukizunak eskatzeko legimitaterik, Alvarez Cascosen ustez

Felipe Gonzalez Espainiako gobernuburuak «absurdutzat» jo du Jose Barrionuevo PSOEko diputatuaren dimisioa eskatzea hamar urte pasatu ondoren. Bide batez, Barrionuevoren ministro lana babestu egin du Gonzalezek eta 1986tik aurrera Lasa eta Zabalen hilketen moduko gertaerarik ez dela izan ziurtatu.

MADRIL

Ordubete aritu zen Felipe Gonzalez Espainiako gobernuburu atzo goizean RNEko 'Los desayunos de Radio 1' irratia orain eta aipagaien artean Lasa eta Zabalen gorpuzkien aurkikuntza izan zuen. Gonzalezen irudikoz, «horrelako ekintzak 1986an desagertu ziren; dena dela, kasu guztiak ez dira berdinak. Adibidez, bi gorpu agertu eta identifikatu izana aurkikuntza egin ahal izan duen norbait egon delako izan da; ez dira bazterrak nahasi behar, krimen izugarri baten garrantzia du eta espero dut guztiz argituko dela».

Barrionuevo ministro ohiaren dimisio eskaerei dagokienez, «zentzugabekotzat» jo ditu Felipe Gonzalezek eskaera horiek. Jose Barrionuevok Barne Ministerioa buruzagitzan egindako lana goraipatu eta babestu zuen Gonzalezek. «Oso lan ona egin zuen, oso momentu zailean, entrega osoz; beraz, harrigarria da hamar urte geroago eskatzea ministro gisa legokiokkeen erantzukizuna diputatu bezala or-



Felipe Gonzalez RNE irratan elkarrizketatu zuen atzo Julio Cesar Iglesias kazetariak.

EFE

daintzeko, hori zentzugabekoa iruditzen zait, kasu batzuetan egin badugu ere», adierazi zuen Felipe Gonzalezek irratia orain.

PPk Parlamentuko osoko bilkura berezira deitzeko eskatu du, bertan Gonzalezek GALi buruzko azalpenak eman ditzen. Barrionuevoren dimisio eskaerei buruz, «hau ez da menpekoen arazoa», esan zuen Alvarez Cascosek. PPren ustez, EAJk ez du legimitaterik erantzukizunak eskatzeko PSOEko Gobernua laguntzen ari delako eta bere Gobernuaren barruan Jauregi daukalako.

Iuren ustez, «Barrionuevo Gonzalezen babes bakarra» da eta horregatik ari da bere alde agertzen Gonzalez.

Enpresa ugarik egin dute bat gaurko greba deialdiarekin

TOLOSA

HBK eta LABek gaurko Tolosaldean egin duten greba deialdiarekin enpresa eta zerbitzuetako langile ugarik egin dute bat. Tolosako, Ibarako, Billabonako, Zizurkilgo eta Lizartzako udaletako langileek greba egitea erabaki zuten atzo egindako batzarretan. Tolosako Udaleko langileek oharra kaleratu zuten Joxi Lasaren eta Joxean Zabalen hilketak gaitzetsiz. «Herri honek bizi duen gatazkaren irtenbidea elkarrizketaren bidetik lortuko dugu eta ez errepresio,

tortura eta guda zikinaren bide-
tik», dio agiriak.


LAB sindikatuak emandako datuen arabera, Tolosaldeko ondorengo enpresa nagusiek egingo dute gaur greba: Asuncion klinika, Unipapel, Calcosa, Pannelfisa, Boinas Elozegi, Udal Euskaltegia, Udal Hiltegia, Sacem, Canguros, Comercial Laga, Insalus, Leibi, Manipulados Araxes, Etxesa, Papelera Galparsoro, Voite, SAM eta Reciclajes del Nortek. Gainera, bihar ez da ogirik egingo eta kioskoak goizeko bederatzieta itxiko dituzte.

Barrionuevok ez du dimititzeko asmorik

MADRIL

Jose Barrionuevo Barne ministro ohi eta diputatu sozialistak bere alderdikideen laguntza eskertu zuen atzo Kongresuko pasiloetan egindako adierazpenetan. Dimisiorako motiboa izateko ezer ez duela egin adierazi zuen Barrionuevok. Bere ustez, dimititzeko kausak «subjektiboak» ala «politikoak» izan daitezke. Lehenengo kasua zerbait gaizki egin delako ustearen ondorioa izango litzaiteke eta «neuk ez daukat sentimendu hori».

«Politikoan erabakia ez dagokit niri, baizik eta nire alderdiari eta talde parlamentarioari, eta nik bat egingo dut esparru horretan erabakitzen denarekin», gaineratu zuen Barrionuevok. Barne ministro ohiak eskertu egin zituen elkartasunezko adierazpenak. «Konfiantza agerpen guztiak eskertze-koak dira eta hori Gobernuko lehendakariak egiten badu oso laguntza koalifikatua da, baita eskertzekoa ere», esan zuen.



Bilbao Bizkaia Kutxa,
Repsol-en akzioak
saltzeko jendaurreko eskaintzaren
Erakunde Aseguratzaila da.

95-3-21etik
Prorratea badago, 95-4-1 baino lehen emandako
aginduek izango dute lehentasuna.
50.000 pezetatik gora.

Repsol eskaintza
interesatzen bazaizu,
erabili ezazu BBKren edozein
bulegok ematen dizun zerbitzua.



BBK

Bilbao Bizkaia Kutxa